

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI RABU, 2 DISEMBER 2015, PUKUL 10.00 PAGI**

**Bil. 60**

---

**PERTANYAAN-PERTANYAAN BAGI JAWAB LISAN**

1. PR-1333-L69674  
**Datuk Juslie bin Ajirol [ Libaran ]** minta **MENTERI PENGANGKUTAN** menyatakan usaha-usaha susulan dalam menjadikan sektor pengangkutan udara dan terminal lapangan terbang khususnya Lapangan Terbang Antarabangsa Kota Kinabalu (KKIA) yang telah memberikan sumbangan besar kepada pengukuhan integrasi nasional.
2. PR-1333-L71417  
**Tuan Ahmad Baihaki bin Atiqullah [ Kubang Kerian ]** minta **PERDANA MENTERI** menyatakan setelah hampir setahun daripada tarikh bencana banjir besar melanda negeri Kelantan, setakat bulan Oktober 2015 ini, berapa buahkah rumah mangsa banjir yang telah disiapkan oleh Kerajaan Persekutuan, Kerajaan Negeri, NGO serta orang perseorangan di negeri Kelantan, dan ia mewakili berapa peratuskah daripada jumlah keseluruhan rumah yang sepatutnya dibina.
3. PR-1333-L70631  
**Datuk Haji Datu Nasrun bin Datu Mansur [ Silam ]** minta **MENTERI KOMUNIKASI DAN MULTIMEDIA** menyatakan melalui Akta Komunikasi dan Media 1998 serta Akta Suruhanjaya Komunikasi dan Multimedia 1998 apakah usaha yang telah dirangka oleh Kementerian dalam menangani masalah buli siber dan penipuan perbankan.
4. PR-1333-L71324  
**Tuan Zairil Khir Johari [ Bukit Bendera ]** minta **MENTERI DALAM NEGERI** menyatakan sama ada program diradikalisasi dan pemulihan telah dilakukan ke atas pejuang-pejuang ISIS dan Syria yang telah kembali ke tanah air serta perinciannya termasuk jumlah orang yang terbabit.
5. PR-1333-L71228  
**Tuan Haji Ahmad Lai bin Bujang [ Sibuti ]** minta **MENTERI SUMBER MANUSIA** menyatakan sejak Rang Undang-undang Gaji Minimum diperkenalkan, berapa ramai majikan yang telah diambil tindakan dan dikenakan tindakan undang-undang kerana tidak melaksanakan dasar gaji minimum tersebut.

6. PR-1333-L70668  
**Dr. Haji Izani bin Haji Husin [ Pengkalan Chepa ]** minta **MENTERI KESIHATAN** menyatakan statistik penyakit barah usus di Malaysia mengikut negeri. Apakah penyebab faktor setempat (*predisposing factor*) kepada peningkatan kes tersebut.
7. PR-1333-L70221  
**Datuk Koh Nai Kwong [ Alor Gajah ]** minta **MENTERI KOMUNIKASI DAN MULTIMEDIA** menyatakan apakah usaha yang disediakan untuk menggalakkan industri perfileman tempatan menerbitkan filem yang berunsurkan "Kenegaraan" dan adakah garis panduan yang sedia ada akan dirombak semula bagi industri perfileman tempatan untuk menghasilkan filem berunsurkan "Kenegaraan".
8. PR-1333-L71535  
**Dato' Takiyuddin bin Hassan [ Kota Bharu ]** minta **PERDANA MENTERI** menyatakan langkah efektif Kerajaan ke arah memupuk perpaduan kaum di negara ini.
9. PR-1333-L69530  
**Datuk Jumat bin Idris [ Sepanggar ]** minta **MENTERI KEMAJUAN LUAR BANDAR DAN WILAYAH** menyatakan bilakah bekalan air bersih dapat dilaksanakan di kawasan DUN Inanam yang meliputi lebih 39 buah kampung.
10. PR-1333-L70122  
**Tuan Haji Nasrudin bin Hassan [ Temerloh ]** minta **MENTERI PENDIDIKAN TINGGI** menyatakan sama ada program Biasiswa KPT (MyBrain15) akan diteruskan pada tahun 2016.
11. PR-1333-L69825  
**Dr. Noor Azmi bin Ghazali [ Bagan Serai ]** minta **MENTERI SUMBER ASLI DAN ALAM SEKITAR** menyatakan apakah Kerajaan akan meneruskan cadangan yang telah disuarakan sejak 2002 untuk menjadikan Tapak Ramsar di Kuala Gula dalam Parlimen Bagan Serai demi masa depan konservasi alam sekitar yang lebih terpelihara dan maju serta dapat mengubah kehidupan rakyat di situ.
12. PR-1333-L70473  
**Tuan Ng Wei Aik [ Tanjong ]** minta **MENTERI SUMBER MANUSIA** menyatakan apakah bantuan yang boleh diberi melalui Jabatan Keselamatan dan Kesihatan Pekerjaan (JKKP) untuk membantu Badan Pengurusan Bersama (JMB) dan Perbadanan Pengurusan (MC) yang menghadapi masalah kewangan yang serius dalam mematuhi arahan JKKP untuk memasang *Car Locking Device* dan *Emergency Battery Operated Power Supply (EBOPS)* bagi setiap lif penumpang.
13. PR-1333-L71554  
**Dr. Mansor bin Abd Rahman [ Sik ]** minta **MENTERI PERUSAHAAN PERLADANGAN DAN KOMODITI** menyatakan apakah tindakan Kementerian dalam menentukan kadar "*Dry Rubber Content*" (DRC) bagi harga getah (*Rubber Cup Lumb*) yang dibeli oleh pembeli-pembeli getah memandangkan walaupun harga getah SMR20 meningkat sehingga RM5 atau lebih namun terdapat peniaga/pembeli getah yang mengenakan sehingga kurang dari 60%

DRC menyebabkan pekebun-pekebun getah hanya menerima sekitar RM2 sekilogram sahaja atau menerima harga yang lebih rendah daripada sepatutnya.

14. PR-1333-L70344  
**Tuan Wong Tien Fatt @ Wong Nyuk Foh [ Sandakan ]** minta **MENTERI KESIHATAN** menyatakan peruntukan yang disediakan kepada semua hospital di Sabah khasnya Hospital Duchess Of Kent di Sandakan berbanding negeri lain dari tahun 2010 hingga 2014. Senaraikan semua projek yang telah dilaksanakan serta perbelanjaan yang telah diguna pakai untuk tujuan pembangunan sektor kesihatan di Sabah.
15. PR-1333-L70599  
**Datuk Haji Shabudin bin Yahaya [ Tasek Gelugor ]** minta **MENTERI SUMBER ASLI DAN ALAM SEKITAR** menyatakan statistik terkini dan usaha pencegahan aktiviti pembuangan minyak hitam secara tidak terurus ke dalam saluran air walaupun ianya adalah bahan buangan berjadual dan sangat bertoksik sehingga boleh memusnahkan ekosistem.
16. PR-1333-L71207  
**Dato' Kamarul Baharin bin Abbas [ Telok Kemang ]** minta **MENTERI KEMAJUAN LUAR BANDAR DAN WILAYAH** menyatakan :-
  - (a) jumlah pembiayaan pelajar-pelajar yang ditaja oleh MARA sejak 5 tahun ke belakang antara tahun 2010 hingga 2015; dan
  - (b) statistik jumlah pelajar mengikut kursus pada tahun-tahun tersebut.
17. PR-1333-L69619  
**Dato' Abdul Manan bin Ismail [ Paya Besar ]** minta **MENTERI KEWANGAN** menyatakan jumlah pendapatan pelaburan Kumpulan Wang Simpanan Pekerja (KWSP) dari tahun 1990 hingga 2015.
18. PR-1333-L70758  
**Dato' Johari bin Abdul [ Sungai Petani ]** minta **MENTERI BELIA DAN SUKAN** menyatakan prestasi amat buruk yang ditunjukkan oleh Pasukan Boleh Sepak Malaysia di persada antarabangsa baru-baru ini, melambangkan Menteri dan FAM amat tidak efektif. Adakah Kerajaan berani membuat rombakan besar-besaran ke atas FAM agar mereka yang tidak berfungsi boleh direhatkan dan mereka yang ada nilai kepada bola sepak negara dibawa masuk agar maruah negara boleh ditebus kembali.
19. PR-1333-L69945  
**Dato' Shamsul Anuar bin Haji Nasarah [ Lenggong ]** minta **MENTERI PERDAGANGAN ANTARABANGSA DAN INDUSTRI** menyatakan kesan langsung kejatuhan nilai ringgit pada pelaburan luar negara ke negara ini dan kesan kepada syarikat negara ini yang melabur ke luar negara.

20. PR-1333-L71066  
**Tuan Su Keong Siong [ Ipoh Timor ]** minta **PERDANA MENTERI** menyatakan sama ada Kerajaan Malaysia berhasrat untuk mengkaji semula hukuman mati mandatori (*mandatory death penalty*) untuk kes jenayah-jenayah di Malaysia.
21. PR-1333-L70740  
**Tuan Haji Ahmad Nazlan bin Idris [ Jerantut ]** minta **MENTERI SUMBER ASLI DAN ALAM SEKITAR** menyatakan apakah tindakan yang boleh dilakukan kepada pencerobohan di kawasan rizab sungai dan apakah perancangan jangka panjang bagi mengatasi masalah pemendapan sungai di Cameron Highlands dan Sungai Pahang, selain daripada kaedah mengorek dan mendalam sungai serta, adakah kajian saintifik yang mengenal pasti bahawa faktor utama kesan pembalakan.
22. PR-1333-L69583  
**Dr. Michael Jeyakumar Devaraj [ Sungai Siput ]** minta **MENTERI SUMBER MANUSIA** menyatakan jumlah kes yang telah didaftarkan di Mahkamah Buruh setiap tahun sejak tahun 2010 dengan pecahan pekerja lelaki tempatan, pekerja wanita tempatan, pekerja asing lelaki dan pekerja asing wanita.
23. PR-1333-L71050  
**Datuk Ikmal Hisham bin Abdul Aziz [ Tanah Merah ]** minta **MENTERI DALAM NEGERI** menyatakan sejauh manakah serius jenayah senjata api di negara ini. Bolehkah nyatakan jumlah kes yang berlaku sepanjang Januari tahun ini dan negeri manakah mencatatkan jumlah kes tertinggi.
24. PR-1333-L71596  
**Puan Nurul Izzah binti Anwar [ Lembah Pantai ]** minta **MENTERI PENDIDIKAN TINGGI** menyatakan apakah langkah Kementerian untuk mengurangkan beban pentadbiran Universiti Malaya dalam menanggung kos operasi yang tinggi untuk Pusat Perubatan Universiti Malaya (PPUM).
25. PR-1333-L70780  
**Datuk Rozman bin Isli [ Labuan ]** minta **MENTERI PELANCONGAN DAN KEBUDAYAAN** menyatakan adakah perancangan pihak Kementerian untuk membina bangunan muzium baru yang lebih besar bagi menggantikan yang sedia ada memandangkan industri pelancongan akan menjadi pembangunan utama dalam perancangan pembangunan komprehensif Labuan 2016-2030.
26. PR-1333-L70180  
**Dato' Dr. Nik Mazlan bin Nik Mohamad [ Pasir Puteh ]** minta **PERDANA MENTERI** menyatakan adakah Kerajaan berpuas hati terhadap status kehalalan kedudukan barangan makanan yang diimport. Bagaimanakah Kerajaan menguruskan kemasukan barang-barang tersebut.
27. PR-1333-L69559  
**Datuk Sapawi bin Ahmad Wasali [ Sipitang ]** minta **MENTERI PENDIDIKAN** menyatakan status kelulusan naik taraf /pembinaan baru Sekolah Menengah Pangiran Omar, Sipitang dan Pejabat Pendidikan Daerah Sipitang yang diumumkan oleh mantan Timbalan Perdana Menteri merangkap Menteri Pendidikan ketika merasmikan program di Sipitang pada tahun lalu.

28. PR-1333-L71287  
**Tuan Mohamed Azmin bin Ali [ Gombak ]** minta **MENTERI LUAR NEGERI** menyatakan apakah sikap Kerajaan terhadap kegiatan pembinaan yang dilakukan oleh China di Laut China Selatan dan apakah ianya telah melangkaui sempadan kedaulatan negara.
29. PR-1333-L69550  
**Dato' Haji Irmohizam bin Haji Ibrahim [ Kuala Selangor ]** minta **MENTERI KOMUNIKASI DAN MULTIMEDIA** menyatakan sejauh manakah Kerajaan memantau media alternatif khususnya wartawan-wartawan supaya mereka sentiasa menjaga etika kewartawanan dalam membuat liputan serta menerbitkan sesuatu laporan memandangkan cara penulisan laporan media alternatif ada kalanya mengelirukan rakyat dan juga mampu menjejaskan imej dan reputasi negara.
30. PR-1333-L69802  
**Dato' Kamarudin bin Jaffar [ Tumpat ]** minta **MENTERI LUAR NEGERI** menyatakan kemajuan usaha-usaha Malaysia dalam menyelesaikan masalah tuntutan-tuntutan rakyat Thailand Wilayah Pattani melalui jawatankuasa bersama dua negara.
31. PR-1333-L71499  
**Tuan Chua Tian Chang @ Tian Chua [ Batu ]** minta **MENTERI DALAM NEGERI** menyatakan berkenaan dengan penyiasatan pembunuhan Timbalan Pendakwa Raya, Tuan Kevin Morais, mengapa rakaman CCTV hanya disiasat selepas empat hari. Adakah benar bahawa jabatan polis tidak menerima memo mengenai kes itu sehingga selepas 48 jam.
32. PR-1333-L69660  
**Dr. Che Rosli bin Che Mat [ Hulu Langat ]** minta **PERDANA MENTERI** menyatakan :-
- (a) hasrat utama penubuhan Pusat PERMATA Pintar Negara di UKM dan kelebihannya; dan
  - (b) apakah program-program khas yang melonjakkan pelajar di pusat atau kolej PERMATA dan siapakah yang dibenarkan mengikuti programnya.
33. PR-1333-L70238  
**Dato' Haji Zainudin bin Ismail [ Jelebu ]** minta **MENTERI DALAM NEGERI** menyatakan :-
- (a) apakah tindakan yang telah dan sedang diambil oleh Kerajaan ke atas akbar dan penerbit Sarawak Report, The Edge, World Street Journal (WSJ) yang menyiarkan berita yang dikatakan tidak benar, berniat jahat dan menggunakan sumber yang tidak sah; dan
  - (b) apakah tindakan yang sedang dan telah diambil terhadap individu-individu yang nama mereka disebut di dalam pengakuan Xavier Andre Justo (telah dipenjara di Thailand) dikatakan terlibat dengan pembelian maklumat curi berkaitan 1MDB.

34. PR-1333-L71250  
**Tuan Oscar Ling Chai Yew [ Sibu ]** minta **MENTERI DALAM NEGERI** menyatakan berapakah laporan polis sudah dibuat terhadap suspek kes insurans, Voon Chin Heong (710818-13-5873) dan Kueh Koh Ing (750822-13-5100) sebelum dan selepas bulan Jun 2015 di seluruh Malaysia. Mengapakah polis tidak menyiasat dan mengambil tindakan terhadap kes yang dilaporkan sebelum bulan Jun tahun ini.
35. PR-1333-L71345  
**Dr. Mohd Hatta bin Md. Ramli [ Kuala Krai ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sejauh mana benarnya laporan Khazanah Research Institute yang dikeluarkan pada 24 Ogos 2015 bahawa rakyat khususnya di bandar menghadapi masalah teramat tidak mampu memiliki rumah.
36. PR-1333-L69628  
**Puan Hajah Zuraida binti Kamaruddin [ Ampang ]** minta **MENTERI KEMAJUAN LUAR BANDAR DAN WILAYAH** menyatakan rancangan menaik taraf kebajikan Orang Asli di Malaysia.
37. PR-1333-L70435  
**Datuk Mohd Idris bin Jusi [ Batu Pahat ]** minta **MENTERI PENDIDIKAN** menyatakan tindakan yang telah dan akan dijalankan untuk mengangkat martabat guru-guru daripada segi skim gaji, peluang naik pangkat, latihan pra dan dalam perkhidmatan bagi meningkatkan kualiti guru dalam tiga aspek utama iaitu sahsiah dan keperibadian, penguasaan isi-kandungan pelajaran dan kemahiran penyampaian.
38. PR-1333-L69731  
**Tan Sri Dato Sri William Mawan Ikom [ Saratok ]** minta **MENTERI KEMAJUAN LUAR BANDAR DAN WILAYAH** menyatakan sejauh manakah kejayaan yang telah dicapai dan perancangan berterusan pihak Kementerian dalam menyediakan kemudahan bekalan air bersih, bekalan elektrik dan pembinaan jalan-jalan luar bandar di seluruh kawasan luar bandar di negara kita.
39. PR-1333-L69812  
**Dato' Haji Mahfuz bin Omar [ Pokok Sena ]** minta **MENTERI KEWANGAN** menyatakan senarai konsortium dan pembida-pembida yang telah disenarai pendekkan dan kaedah serta kriteria pembidaan untuk:-
- (a) Edra Energy anak syarikat milikan penuh 1MDB dan bila akan dimuktamadkan; dan
  - (b) tanah dan projek Bandar 1Malaysia.
40. PR-1333-L70829  
**Tuan Julian Tan Kok Ping [ Stampin ]** minta **MENTERI PERTAHANAN** menyatakan adakah wujudnya rancangan untuk membeli *aircraft carrier* serta jet pejuang yang baru. Senaraikan secara terperinci jumlah perbelanjaan, jumlah bilangan serta jenis peralatan, jangka masa pembelian serta penerimaan peralatan tersebut.

41. PR-1333-L70828  
**Tuan Gobind Singh Deo [ Puchong ]** minta **PERDANA MENTERI** menyatakan apakah status siasatan Suruhanjaya Pencegahan Rasuah dalam aduan No. SPRM/CPM. 20/3801.30 Jld 27(47).
42. PR-1333-L71354  
**Datuk Liang Teck Meng [ Simpang Renggam ]** minta **MENTERI PELANCONGAN DAN KEBUDAYAAN** menyatakan :-
- (a) pelan tindakan yang dirancang oleh Kementerian dalam mempergiatkan promosi sektor pelancongan negara selain daripada penghapusan visa kepada negara tertentu; dan
  - (b) statistik terbaharu kawasan yang mencatatkan penerimaan pelancong paling tinggi dan statistik kemasukan pelancong asing ke Malaysia sejak penurunan mata wang Ringgit.
43. PR-1333-L70151  
**Tuan Wan Hasan bin Mohd Ramli [ Dungun ]** minta **MENTERI DALAM NEGERI** menyatakan apakah kumpulan yang terlibat untuk menjatuhkan Kerajaan berdasarkan siasatan yang dijalankan oleh PDRM.
44. PR-1333-L70432  
**Tuan Lim Lip Eng [ Segambut ]** minta **MENTERI SUMBER ASLI DAN ALAM SEKITAR** menyatakan kos setakat ini bagi program pinjaman khas pasangan panda daripada negara China dan kos tambahan yang dikenakan selepas kelahiran bayi panda di Zoo Negara pada 18 Ogos 2015 lalu. Bagaimana Kerajaan menanggung keseluruhan kos itu.
45. PR-1333-L70491  
**Tuan Mohamed Hanipa bin Maidin [ Sepang ]** minta **PERDANA MENTERI** menyatakan :-
- (a) adakah Kerajaan mengambil tindakan kepada mana-mana pihak dalam Felda Global Ventures Holding Bhd. (FGV) atas tindakan FGV mengambil 37% pegangan dalam PT Eagle High Plantations Tbk (EHP) pada harga US\$680 juta tanpa mempunyai kuasa mengawal majoriti di EHP yang juga dikritik oleh pemegang saham di FGV iaitu KWSP; dan
  - (b) mengapakah FGV diminta membayar kepada PT Rajawali Capital International deposit yang amat tinggi iaitu US\$174.5 juta (RM653.6 juta) iaitu hampir 23 peratus sebaik sahaja selepas perjanjian jual beli bersyarat bertukar ke perjanjian muktamad.

46. PR-1333-L70282  
**Dato' Fauzi bin Abdul Rahman [ Indera Mahkota ]** minta **PERDANA MENTERI** menyatakan tindakan pembaikan yang dilakukan di atas teguran ikhlas DYMM Sultan Perak pada satu program SPRM tempoh hari yang menyatakan dua sebab gejala rasuah berlaku secara berterusan iaitu pendapatan yang tidak setimpal dengan kenaikan kos barangan asas dan ketamakan sesetengah pemimpin dan penguasa, justeru itu, apakah langkah-langkah Kerajaan untuk membaik pulih imej negara setelah banyak komen-komen negatif daripada tokoh-tokoh IACC dalam persidangannya di PICC Putrajaya baru-baru ini.
47. PR-1333-L70560  
**Datuk Bung Moktar bin Radin [ Kinabatangan ]** minta **MENTERI KEWANGAN** menyatakan jumlah pelaburan terkini Kumpulan Wang Simpanan Pekerja (KWSP) di dalam dan luar negara dari Tahun 2010 sehingga 2015 dan berapakah keuntungan yang diperoleh hasil pelaburan tersebut.
48. PR-1333-L70555  
**Tuan Abdullah Sani bin Abdul Hamid [ Kuala Langat ]** minta **MENTERI DALAM NEGERI** menyatakan keperluan membawa masuk 1.5 juta yang telah diluluskan oleh Kementerian.
49. PR-1333-L71205  
**Tuan Mohd Rafizi bin Ramli [ Pandan ]** minta **PERDANA MENTERI** menyatakan senaraikan semua skim perumahan yang telah dan akan diusahakan oleh FELDA Global Ventures (FGV) atau FELDA setakat Oktober 2015 dengan memperincikan jumlah unit, lokasi perumahan, harga jualan dan kontraktor dilantik bagi setiap projek perumahan.
50. PR-1333-L71377  
**Tan Sri Datuk Seri Panglima Annuar bin Musa [ Ketereh ]** minta **MENTERI KOMUNIKASI DAN MULTIMEDIA** menyatakan tindakan Kementerian bagi menangkis tohmahan yang mampu menjatuhkan imej pemimpin dan negara menerusi serangan media asing dan pengguna laman sosial dan sejauh manakah cadangan pindaan Akta Komunikasi dan Multimedia 1998 mampu mengekang fenomena ini.
51. PR-1333-L71573  
**Tuan Sim Tong Him [ Kota Melaka ]** minta **PERDANA MENTERI** menyatakan tentang kemajuan projek membaik-pulih dan menaik taraf Bangunan Parlimen :-
- (a) berapakah peratusan projek telah siap bina; dan
  - (b) senaraikan kemudahan-kemudahan tambahan yang akan disediakan dan bilakah projek ini akan siap bina keseluruhannya.



**MENGEMUKAKAN RANG UNDANG-UNDANG KERAJAAN**  
**UNTUK BACAAN KALI YANG PERTAMA**

1. **Menteri Pembangunan Wanita, Keluarga dan Masyarakat**

Rang Undang-undang Kanak-kanak (Pindaan) 2015

## **ATURAN URUSAN MESYUARAT DAN USUL-USUL**

### **1. Perdana Menteri akan mencadangkan :**

“ Bahawa Dewan ini membuat ketetapan di bawah Seksyen 10, Jadual Ketiga Belas, Perlembagaan Persekutuan bahawa draf bagi Perintah Perlembagaan Persekutuan (Persempadanan Bahagian-Bahagian Pilihan Raya) (Negeri Sarawak) 2015, (Kertas Statut ST.93 Tahun 2015), yang telah dibentangkan dalam Dewan ini pada 26 November 2015 bersama dengan Laporan Suruhanjaya Pilihan Raya bertarikh 19 Ogos 2015 mengenai Kajian Semula Persempadanan Mengenai Syor-Syor Yang Dicadangkan Bagi Bahagian-Bahagian Pilihan Raya Persekutuan Dan Negeri Di Dalam Negeri Sarawak Kali Keenam Tahun 2015, ( Kertas Statut ST.92 Tahun 2015), dan yang akan dibuat di bawah Seksyen 12, Jadual Ketiga Belas, Perlembagaan Persekutuan untuk menguatkuasakan syor-syor yang terkandung dalam laporan tersebut, adalah diluluskan.”

### **2. Menteri di Jabatan Perdana Menteri akan mencadangkan :**

“ **BAHAWA** Majlis mengambil maklum berkenaan peristiwa pencerobohan bersenjata di Kampung Tanduo, Lahad Datu pada 12 Februari 2013 oleh kumpulan yang dikenal pasti sebagai pengikut Jamalul Kiram III bagi merampas wilayah di pantai timur Sabah.

**BAHAWA** pencerobohan kumpulan tersebut ternyata telah mencabar kedaulatan Negara dan telah mengakibatkan kehilangan nyawa anggota keselamatan Negara.

**BAHAWA** sebagaimana yang telah dilaporkan di laman media sosial dan gambar yang dimuat naik oleh Puteri Jacel Kiram pada 9 November 2015, Yang Berhormat Lembah Pantai telah menghadiri pertemuan bersama dengan Puteri Jacel Kiram yang merupakan anak kepada Jamalul Kiram III.

**BAHAWA** Yang Berhormat Lembah Pantai sedia maklum bahawa Puteri Jacel Kiram menentang kedudukan Sabah sebagai sebahagian daripada Negara Malaysia dan sehingga kini masih menuntut negeri Sabah adalah milik Kesultanan Sulu.

**BAHAWA** pertemuan Yang Berhormat Lembah Pantai dan Puteri Jacel Kiram tersebut menimbulkan prasangka negatif dan tidak sensitif terhadap peristiwa pencerobohan Lahad Datu yang telah mencabar kedaulatan Negara.

**BAHAWA** pertemuan Yang Berhormat Lembah Pantai bersama dengan anak kepada dalang pencerobohan Negara telah dilihat bertentangan dengan angkat sumpah sebagai ahli Parlimen dan sumpah setia beliau kepada Malaysia yang telah berikrar untuk menumpahkan taat setia yang sebenar kepada Malaysia, memelihara, melindungi dan mempertahankan Perlembagaannya.

**DAN BAHAWA** tindakan Yang Berhormat Lembah Pantai tersebut merupakan suatu penghinaan kepada Majlis Mesyuarat yang turut mencemarkan nama baik dan prestij Dewan Rakyat.

**MAKA** inilah dipersetujui Yang Berhormat Lembah Pantai hendaklah dirujuk kepada Jawatankuasa Hak dan Kebebasan. ”

- |     |                |   |                                   |
|-----|----------------|---|-----------------------------------|
| 3.  | (D.R. 32/2015) | Rang Undang-undang Kewangan 2015  | <b>Bacaan Kali<br/>Yang Kedua</b> |
|     |                | <b>[ Menteri Kewangan ]</b>   |                                   |
| 4.  | (D.R. 28/2015) | Rang Undang-undang Perbadanan Insurans Deposit Malaysia (Pindaan) 2015 - <b>Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”</b><br><b>(22 Oktober 2015)</b> |                                   |
|     |                | <b>[ Menteri Kewangan ]</b>   |                                   |
| 5.  | (D.R. 38/2015) | Rang Undang-undang Majlis Keselamatan Negara 2015   | <b>Bacaan Kali<br/>Yang Kedua</b> |
|     |                | <b>[Menteri di Jabatan Perdana Menteri]</b>   |                                   |
| 6.  | (D.R. 33/2015) | Rang Undang- undang Tabung Angkatan Tentera ( Pindaan ) 2015  | “                                 |
|     |                | <b>[ Menteri Pertahanan ]</b>   |                                   |
| 7.  | (D.R. 36/2015) | Rang Undang-undang Keselamatan Sosial Pekerja (Pindaan) 2015  | “                                 |
|     |                | <b>[Menteri Sumber Manusia]</b>   |                                   |
| 8.  | (D.R. 30/2015) | Rang Undang-undang Syarikat 2015  | “                                 |
|     |                | <b>[ Menteri Perdagangan Dalam Negeri, Koperasi dan Kepenggunaan ]</b>  |                                   |
| 9.  | (D.R. 29/2015) | Rang Undang-undang Skim Kepentingan 2015.   | “                                 |
|     |                | <b>[ Menteri Perdagangan Dalam Negeri, Koperasi dan Kepenggunaan ]</b>  |                                   |
| 10. | (D.R. 34/2015) | Rang Undang-undang Dadah Berbahaya (Langkah-Langkah Pencegahan Khas) (Pindaan) 2015.  | “                                 |
|     |                | <b>[Menteri Dalam Negeri]</b>   |                                   |

11. (D.R.35/2015) Rang Undang-undang Persaingan “  
(Pindaan) 2015  
  
**[ Menteri Perdagangan Dalam Negeri,  
Koperasi dan Kepenggunaan ]**
12. (D.R. 37/2015) Rang Undang-undang Profesion “  
Undang-undang (Pindaan) 2015  
  
**[Menteri di Jabatan Perdana Menteri]**
13. (D.R.9/2015) Rang Undang-undang Kanun Tatacara “  
Jenayah (Pindaan) 2015  
  
**[ Menteri di Jabatan Perdana Menteri ]**
14. (D.R.12/2015) Rang Undang-undang Keterangan “  
(Pindaan) 2015  
  
**[ Menteri di Jabatan Perdana Menteri ]**
15. (D.R.24/2014) Rang Undang-undang Dadah Berbahaya “  
(Pindaan) (No. 2) 2014  
  
**[ Menteri Kesihatan ]**

16. **Menteri Kewangan akan mencadangkan :**

“ Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 56, subseksyen (5) Seksyen 17 dan subseksyen (3) Seksyen 18, Akta Cukai Barang dan Perkhidmatan 2014 supaya Perintah Cukai Barang dan Perkhidmatan yang dibentangkan di hadapan Majlis ini sebagai Kertas Statut bil. ST.83, ST.84 dan ST.85 bagi tahun 2015 disahkan ”.

17. **Menteri Kewangan akan mencadangkan :**

“ Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 11 Akta Kastam 1967 supaya Perintah Duti Kastam yang dibentangkan di hadapan Majlis ini sebagai Kertas Statut bil. ST.97, ST.98, ST.99, ST.100, ST.104 dan ST.105 bagi tahun 2015 disahkan” .

**18. Menteri Kewangan akan mencadangkan :**

“ Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 6 Akta Eksais 1976 supaya Perintah Duti Eksais (Pindaan) 2015 yang dibentangkan di hadapan Majlis ini sebagai Kertas Statut bil. ST.118 tahun 2015 disahkan”.

**19. PR-1333-U69963**

**Datuk Dr. Makin @ Marcus Mojigoh [ Putatan ]** akan mencadangkan:-

“Bahawa Dewan ini mengambil maklum bahawa sejak akhir-akhir ini, dan Gerakan Sabah-Sarawak keluar Malaysia (SSKM) kian mendapat perhatian dan sokongan dari sebilangan kecil rakyat dari kedua-dua negeri ini. Bahawa Dewan ini mengambil maklum bahawa, terdapat rungutan-rungutan di kalangan rakyat negeri Sabah dan Sarawak dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak ditunaikan. Dan mengambil maklum juga, antara isu utama yang disuarakan dalam rungutan ini adalah banjir pendatang asing ke negeri Sabah dan di tambah buruk pula dengan pemberian status warga Negara kepada mereka ini. Dan mengambil maklum juga bahawa, setiap kali isu 20 perkara (bagi Negeri Sabah) dan 16 perkara (bagi Negeri Sarawak) dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai satu tahap di mana mereka secara terbuka mengelarkan diri mereka sebagai aktivis Sabah-Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan Undang-undang semata-mata untuk menghalang mereka ini bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan keadaan lagi di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka yang mengelarkan diri mereka sebagai SSKM ini.”

**[ Menteri Dalam Negeri ]**

20. PR-1333-U69964

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, terdapat rungutan-rungutan dikalangan rakyat bahawa sejak akhir-akhir ini, perpaduan, keharmonian, kesejahteraan dan kerjasama antara rakyat negara ini yang terdiri dari berbilang kaum dan agama telah terhakis. Dan mengambil maklum juga, antara isu utama menyebabkan perkara ini berlaku kerana terdapat golongan tertentu yang memainkan isu bangsa dan agama sewenang-wenangnya serta rakyat merasakan tidak ada tindakan tegas yang diambil bagi menangani masalah ini. Dan mengambil maklum juga bahawa, Perhimpunan Bersih 4 dan Perhimpunan Rakyat Bersatu baru-baru ini telah menanamkan bibit kebencian serta syak wasangka antara kaum di negara ini. Dan mengambil maklum juga bahawa, Rukun Negara sebagai tonggak perpaduan, keharmonian, kesejahteraan dan kerjasama antara rakyat negara ini secara tidak langsung tidak lagi dihormati dan dipatuhi. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka ini. Kerajaan juga hendaklah menguatkuasakan segala peruntukan Undang-undang yang ada bagi menghalang mana-mana demokrasi atau perjumpaan umum yang membangkitkan isu bangsa dan agama, yang boleh menggugat perpaduan, keharmonian, kesejahteraan dan kerjasama antara rakyat negara ini."

**[ Perdana Menteri ]**

21. PR-1333-U69965

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, terdapat laporan mengatakan bahawa operasi bot lautan dalam yang beroperasi di negara ini tidak mendatangkan faedah kepada negara ini secara total. Dan mengambil maklum juga, antara isu utama yang disuarakan dalam laporan ini adalah, para pengusaha bot lautan dalam ini menjual minyak diesel bersubsidi kepada bot-bot asing. Dan mengambil maklum bahawa, terdapat juga laporan bahawa tangkapan bot lautan dalam ini dijual kepada nelayan asing yang menawarkan harga yang lebih baik. Dan mengambil maklum juga bahawa, kedua-dua aktiviti yang disebutkan ini telah mendatangkan kerugian yang besar kepada negara ini, sama ada dari segi subsidi diesel mahupun dari segi tangkapan hasil lautan di negara ini dijual ke negara asing.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu sistem kawalan yang bersepadu bagi memastikan bahawa semua diesel bersubsidi digunakan dengan niat asal serta tangkapan tersebut hendaklah dipasarkan di negara ini."

**[ Menteri Pertanian dan Industri Asas Tani ]**

22. PR-1333-U69966

**Datuk Dr. Makin @ Marcus Mojigoh [ Putatan ]** akan mencadangkan:-

“Bahawa Dewan ini mengambil maklum bahawa, isu 1MDB telah mencemarkan nama baik Kerajaan dan Negara Malaysia pada umumnya. Dan mengambil maklum juga, isu 1MDB telah sedikit sebanyak menghakis kepercayaan pelabur asing kepada Sistem Pelaburan di Negara ini. Dan mengambil maklum juga bahawa, isu 1MDB telah disensasikan melalui media sosial, media elektronik dan media asing dengan sewenang-wenangnya yang menggambarkan bahawa syarikat milik Kerajaan ini hampir muflis dan liabilitinya perlu ditanggung oleh Kerajaan. Dan mengambil maklum juga bahawa, hasil daripada kemuskilan ini, rakyat pada umumnya mempersoalkan cara kerja Kerajaan mentadbir 1MDB sehingga mengalami kerugian yang besar dan terpaksa menanggung liability 1MDB. Maka, bagi menangani masalah ini, Dewan Yang Mulia ini hendaklah mengambil ketetapan bahawa, Kerajaan hendaklah memperjelaskan secara terperinci mengenai model perniagaan 1MDB kepada umum agar satu gambaran yang telus dapat mereka perolehi serta mengembalikan kebolehpercayaan rakyat kepada Kerajaan masa kini.”

**[ Menteri Kewangan ]**

23. PR-1333-U70485

**Tuan Ng Wei Aik [ Tanjong ]** akan mencadangkan:-

“Bahawa Dewan Rakyat ini mengambil ketetapan untuk mengutuk Perhimpunan Rakyat Bersatu yang diadakan pada 16 September 2015 yang sifatnya berbau perkauman serta bertujuan mengapi-apikan sentimen perkauman, termasuk menuntut supaya sekolah-sekolah Cina ditutup, menggelar anggota-anggota polis yang bertugas sebagai “barua Cina”, cuba menimbulkan kekecohan di Jalan Petaling serta mempersoalkan keperluan “Little India” diwujudkan dan tindakan-tindakan yang sewajarnya harus diambil terhadap pihak penganjur dan pihak-pihak yang harus bertanggungjawab.”

**[ Menteri Dalam Negeri ]**

24. PR-1333-U70272

**Tuan M. Kulasegaran [ Ipoh Barat ]** akan mencadangkan:-

“Bahawa Dewan ini mengambil maklum demi kepentingan negara dan masyarakat sejagat pandangan serius terhadap kestabilan ekonomi dan kemajuan negara harus diberi perhatian sepenuhnya. Oleh yang demikian Dewan ini perlu mengambil maklum mengenai perkara ini dan mengarahkan Kerajaan untuk mengatasi masalah ini.”

**[ Perdana Menteri ]**

25. PR-1333-U70255

**Dr. Tan Seng Giaw [ Kepong ]** akan mencadangkan:-

“Bahawa Menteri Kewangan membincangkan cara-cara yang diambil untuk mempertahankan nilai ringgit.”

**[ Menteri Kewangan ]**

26. PR-1333-U70256

**Dr. Tan Seng Giaw [ Kepong ]** akan mencadangkan:-

“Bahawa Menteri Sumber Asli dan Alam Sekitar mendebatkan masalah jerebu di rantau in.”

**[ Menteri Sumber Asli dan Alam Sekitar ]**

27. PR-1333-U71552

**Tuan Fong Kui Lun [ Bukit Bintang ]** akan mencadangkan:-

“Bahawa Kerajaan mempergiatkan usaha untuk menyatu padukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia.”

**[ Perdana Menteri ]**

28. PR-1333-U71553

**Tuan Fong Kui Lun [ Bukit Bintang ]** akan mencadangkan:-

“Bahawa Kerajaan memulihkan pilihan raya Kerajaan Tempatan seluruh negara supaya urus tadbir Kerajaan menjadi cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat.”

**[ Menteri Kesejahteraan Bandar, Perumahan dan Kerajaan Tempatan ]**

29. PR-1333-U69805

**Dato' Kamarudin bin Jaffar [ Tumpat ]** akan mencadangkan:-

“Bahawa Dewan ini memutuskan untuk Malaysia menerima masuk, memberi perlindungan dan akhirnya memberikan taraf kewarganegaraan kepada 1000,000 orang rakyat negara Syria daripada jutaan orang yang sekarang menjadi pelarian di Turki dan Eropah.”

**[ Perdana Menteri ]**

30. PR-1333-U69806

**Dato' Kamarudin bin Jaffar [ Tumpat ]** akan mencadangkan:-

“Bahawa Dewan ini merakamkan perasaan sedih dan kecewa bahawa perjalanan kerja-kerja Jawatankuasa Kira-kira Wang Negara (PAC) telah tergendala oleh beberapa sebab dan dengan ini memutuskan untuk meminta Tuan Yang di Pertua Dewan Rakyat dengan segera melicinkan semula perjalanan Jawatankuasa itu.”

**[ Perdana Menteri ]**



31. PR-1333-U69807

**Dato' Kamarudin bin Jaffar [ Tumpat ]** akan mencadangkan:-

“Bahawa Dewan ini amat tidak berpuas hati dengan kemajuan pembinaan rumah-rumah untuk mangsa banjir negeri Kelantan. Oleh itu Dewan ini mendesak Kerajaan Pusat berusaha dengan lebih gigih lagi bersama dengan Kerajaan Negeri Kelantan untuk melipatganda usaha pembinaan rumah-rumah tersebut.”

**[ Perdana Menteri ]**

32. PR-1333-U70769

**Dato' Johari bin Abdul [ Sungai Petani ]** akan mencadangkan:-

“Bahawa Dewan ini mengambil maklum, hubungan antara kaum mutakhir ini makin meruncing dan jika tidak dibendung akan mencapai tahap amat merbahaya dan akibatnya negara akan hancur seperti yang terjadi di negara-negara lain yang sedang bergolak akibat isu perkauman. Bila rakyat Malaysia berbangsa Dayak, Kadazan, Orang Asal, Cina, Melayu, Jawa, Bugis atau apa suku kaum sekalipun mengkritik dan mempersoalkan hal tatakelola Negara dan kepimpinan Perdana Menteri dan Kabinetnya, rakyat tidak mempersoalkan ras Perdana Menteri. Rakyat mempersoal Perdana Menteri atas kapasiti beliau sebagai Ketua Eksekutif Negara. BERSIH 4.0 menganjurkan demo jalanan kerana mendesak Perdana Menteri memberi jawapan kepada banyak persoalan yang tidak terjawab. Soal 1MDB, Derma RM 2.6 bilion, Pertukaran Pegawai-pegawai SPRM, Penamatan khidmat Tan Sri Gani Patail sebagai Pendakwa Raya, pembebasan Abdul Razak Baginda yang rapat dengan Perdana Menteri dalam kes pembunuhan Altantuya Shaaribuu yang amat memalukan negara dan banyak lagi isu yang amat-amat mendesak yang tidak dijawab oleh Perdana Menteri secara meyakinkan. Untuk itu Kerajaan mesti membezakan mengkritik Perdana Menteri bukan mengkritik bangsa Perdana Menteri tetapi kerana Perdana Menteri adalah Ketua Eksekutif Negara yang sememangnya boleh dikritik yang dibenarkan oleh sistem pemerintahan yang diamalkan di negara ini.”

**[ Perdana Menteri ]**

33. PR-1333-U70770

**Dato' Johari bin Abdul [ Sungai Petani ]** akan mencadangkan:-

“Bahawa Dewan ini mengambil maklum, bila UMNO dan NGO yang menyokong UMNO menganjurkan demo jalanan bertemakan Himpunan Maruah Melayu pada 16 September 2015 yang kemarahan disasarkan kepada rakyat kaum Cina, yang dikatakan mendominasi Himpunan BERSIH 4.0 pada 29 dan 30 Ogos 2015, penganjur memilih kaum Cina sebagai fokus serangan. Penganjur membawa posters dan banners tertulis kata-kata provokasi dan perkauman yang amat merbahaya seperti “Ini Tanah Melayu, Cina boleh keluar”. “Bawa parang dan keris. Tetak Cina. Umno perlukan anda”. Sedangkan yang keluar di jalanan pada 29 dan 30 Ogos 2015 rakyat dari berbagai kaum termasuk Melayu dan Bumiputra yang lain. Kaum lain selain Cina juga menyuarakan perasaan tidak puas hati mereka terhadap Perdana Menteri.

Di mana yang dikatakan Cina menghina Melayu dan Maruah Melayu dicabar. Kerajaan mesti berjiwa besar. Walaupun Kerajaan Barisan Nasional diterajui oleh UMNO dan Melayu tetapi rakyat negara ini terdiri dari berbagai bangsa yang wajib dilindungi dan dihormati.”

**[ Perdana Menteri ]**

34. PR-1333-U70772

**Dato' Johari bin Abdul [ Sungai Petani ]** akan mencadangkan:-

“Bahawa Dewan ini mengambil maklum, penyakit Denggi akibat jangkitan nyamuk di Malaysia telah mencapai satu tahap yang merbahaya. Lebih parah kematian akibat penyakit ini sudah diterima sebagai satu yang lumrah dan tidak ada rasa bersalah oleh pemerintah. Kerajaan sepatutnya menubuhkan satu institusi khas bagi melawan wabak ini dengan memberikan peruntukan kewangan yang secukupnya serta membekalkan berbagai pakar bagi menjadikan institusi ini betul-betul memberi tumpukan dan perhatian kepada masalah yang begitu lama tidak dapat diselesaikan. Malaysia mesti memainkan peranan utama dan boleh menjadi juara dalam memerangi penyakit ini bukan sahaja di rantau ini malah di dunia. Kerajaan mesti serius dan komited dalam hal ini.”

**[ Menteri Kesihatan ]**

35. PR-1333-U70774

**Dato' Johari bin Abdul [ Sungai Petani ]** akan mencadangkan:-

“Bahawa Dewan ini mengambil maklum, Kementerian Belia dan Sukan banyak memberi tumpuan kepada pembangunan sukan tetapi meninggalkan pembangunan belia di belakang. Setiap tahun ribuan anak-anak Malaysia yang keluar dari sekolah dan ramai yang tidak melanjutkan pelajaran ke pengajian tinggi atas berbagai sebab dan alasan. Akibat tidak ada program wajib yang mesti diikuti dan disertai oleh mereka, mereka menjadi satu eset yang amat bernilai yang terbiar dan tidak dimanfaatkan sepenuhnya. Adalah dicadangkan anak-anak ini, didaftarkan dan diwajibkan menyertai Khidmat negara selama dua tahun seperti yang dilakukan dikebanyakkan negara. Semasa dalam program ini, pilih dua atau tiga bidang ilmu yang boleh memberi menafaat berterusan bila mereka tamat program nanti. Sebagai contoh, ilmu motor mekanik dan elektrik. Selepas dua tahun mereka boleh berdikari dan bantuan susulan boleh diusahakan. Untuk memastikan program ini berjaya ianya mesti dilaksanakan sebagai program wajib dan dikembangkan dengan elemen ketenteraan.”

**[ Menteri Belia dan Sukan ]**

36. PR-1333-U70776

**Dato' Johari bin Abdul [ Sungai Petani ]** akan mencadangkan:-

“Bahawa Dewan ini mengambil maklum, kegiatan merempit oleh anak-anak muda khasnya anak Melayu amat memalukan bangsa dan Kerajaan. Kerajaan seolah-oleh tidak ada jawapan pada permasalahan ini. Mereka yang merempit bukan sahaja membahayakan nyawa mereka juga nyawa orang awam. Adalah dicadangkan pihak polis menggunakan anggota Cawangan Khas bagi meninjau dan kenal pasti ketua kumpulan ini dan menahan mereka atas undang-undang yang sedia ada. Penahanan mereka hendaklah dihebahkan dalam akhbar dan media elektronik. Menahan mereka untuk beberapa malam di lokap dan jika ada bukti yang cukup mendakwa mereka di mahkamah akan menghantar mesej yang jelas bahawa kegiatan mereka amat merbahaya dan amat dibenci oleh masyarakat. Ini mesti dilakukan secara konsisten bukan berkala.”

**[ Menteri Dalam Negeri ]**

37. PR-1333-U70806

**Tuan Manivanan a/l Gowindasamy [ Kapar ]** akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gegaja pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu dketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

**[ Menteri Kesejahteraan Bandar, Perumahan dan Kerajaan Tempatan ]**

38. PR-1333-U70808

**Tuan Manivanan a/l Gowindasamy [ Kapar ]** akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

**[ Menteri Dalam Negeri ]**

39. PR-1333-U70809

**Tuan Manivanan a/l Gowindasamy [ Kapar ]** akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

**[ Menteri Pendidikan ]**

40. **Dato’ Seri Dr. Wan Azizah binti Wan Ismail [ Permatang Pauh ]** akan mencadangkan :-

“Bahawa Dewan ini tidak ada kepercayaan terhadap Yang Amat Berhormat Pekan Dato’ Seri Najib Tun Razak sebagai Perdana Menteri Malaysia.”

**[Perdana Menteri]**

41. **Tuan Gobind Singh Deo [ Puchong]** akan mencadangkan :-

“Bahawa mengikut Peraturan Mesyuarat 43 dibaca bersama Peraturan Mesyuarat 99 Peraturan-Peraturan Majlis Mesyuarat Dewan Rakyat, Dewan Yang Mulia ini mengkaji semula dan mengenenpikan keputusan Yang di-Pertua YB Dato Seri Dr. Ronald Kiandee, yang membenarkan usul untuk menggantung Yang Berhormat Tuan Lim Kit Siang, Ahli Parlimen Gelang Patah daripada Perkhidmatan sebagai Ahli Parlimen selama 6 bulan dibahas tanpa rujukan dibuat kepada Jawatankuasa Hak dan Kebebasan sepertimana menurut Peraturan 80A Peraturan-Peraturan Majlis Mesyuarat.”

**[ Perdana Menteri ]**

42. **Tuan Mohd Rafizi bin Ramli [ Pandan ]** akan mencadangkan :-

“Bahawa Dewan ini menggesa supaya Tenaga Nasional Berhad hanya membayar jumlah yang sepadan dengan nilai pasaran aset-aset *Independent Power Producers* (IPP) yang dimiliki oleh 1MDB dan Dewan berpendapat bahawa harga siling mengikut nilai pasaran bagi aset-aset itu adalah Ringgit Malaysia Lapan Bilion (RM8,000,000,000) sahaja”.

**[ Menteri Kewangan ]**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2015</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST.119	Laporan Tahunan dan Penyata Kewangan Lembaga Koko Malaysia (LKM) Bagi Tahun 2014	2 Disember 2015
ST.120	Laporan Tahunan dan Penyata Kewangan Lembaga Lada Malaysia Bagi Tahun 2014	2 Disember 2015
ST.166	Laporan Tahunan dan Penyata Kewangan Lembaga Perlesenan kenderaan Perdagangan (LPKP) Sarawak dan Sabah Bagi Tahun 2014	2 Disember 2015
ST.180	Laporan Tahunan dan Penyata Kewangan Lembaga Pertubuhan Peladang (LPP) Bagi Tahun 2014	2 Disember 2015
ST.181	Laporan Tahunan dan Penyata Kewangan Yayasan Pelajaran Persatuan Peladang dan Pertubuhan Peladang MADA (YPPPM) Bagi Tahun 2014	2 Disember 2015
ST.183	Laporan Tahunan dan Penyata Kewangan Lembaga Pemasaran Pertanian Persekutuan (FAMA) Bagi Tahun 2014	2 Disember 2015
ST.184	Laporan Tahunan dan Penyata Kewangan Institut Penyelidikan dan Kemajuan Pertanian Malaysia (MARDI) Bagi Tahun 2014	2 Disember 2015
ST.185	Laporan Tahunan dan Penyata Kewangan Lembaga Kemajuan Pertanian Kemubu (KADA) Bagi Tahun 2014	2 Disember 2015
ST.186	Laporan Tahunan dan Penyata Kewangan Lembaga Kemajuan Pertanian Mada (MADA) Bagi Tahun 2014	2 Disember 2015
ST.187	Laporan Tahunan dan Penyata Kewangan Pertubuhan Berita Nasional Malaysia (BERNAMA) Bagi Tahun 2014	2 Disember 2015

<b><u>TAHUN</u></b> <b><u>2015</u></b>	<b><u>RISALAT/DOKUMEN</u></b>	<b><u>TARIKH</u></b> <b><u>DIBENTANGKAN</u></b>
ST.188	Laporan Tahunan dan Penyata Kewangan Suruhanjaya Komunikasi dan Multimedia Malaysia Bagi Tahun 2014	2 Disember 2015
ST.189	Laporan Tahunan dan Penyata Kewangan Perbadanan Kemajuan Filem Nasional (FINAS) Bagi Tahun 2014	2 Disember 2015
ST.190	Laporan Tahunan dan Penyata Kewangan Lembaga Pembangunan Seni Visual Negara (LPSVN) Bagi Tahun 2014	2 Disember 2015
ST.192	Laporan Tahunan dan Penyata Kewangan Perbadanan Produktiviti Malaysia Bagi Tahun 2014	2 Disember 2015